

## N̄wa'anjli choshi Koloshe Kāon̄ nu pa tho nnu

Pɔɔ ni nā'an̄ n̄wa'an̄li yei mfe ni choshi n̄a a ni mbo mon̄ la'ataon̄ Koloshe n̄e. A shini ndo mbh̄i Pɔɔ mbh̄i choshi yei, ndo a ni mbo pi mon̄ li'i n̄a Pɔɔ ni mb̄i'i n̄a a pie n̄a a lina nɔ ghɔ. A ni ntaon̄ n̄gwa llo Efesho n̄a pugu gh̄ei fo nchii n̄k̄ini pwa pisha'akho fo.

Pɔɔ ni nja'o n̄a pa ghan̄ ye'i nnu n̄a a lo n̄ji'i n̄k̄a'o n̄e ni mbo mon̄ choshi ghɔ. N̄gwa pigho ni ntho ntigi nu n̄a n̄on̄ ntā'a nu n̄ja n̄ji Minnwi, a yī'i n̄a a gha'o pich̄ei pa n̄ji mon̄ tothi. Pugu ni mb̄ini n̄je'i nu n̄a a yi'i n̄a pi ni'in̄ n̄on̄ n̄gunu mbrei pugu pa n̄a n̄on̄ fā'o nɔ nū'on̄ nu pich̄ei pa nū'on̄ nth̄e nnu maon̄ ji. Pɔɔ ni nā'an̄ nɔ lāa nu n̄guon̄ nnu pei ghao ndo nchw̄ie n̄gwa ji yaon̄ ye'i n̄a a yi ka'oka'o ni ghan̄ pin̄ n̄e.

Mme nnu n̄a a ye'i mon̄ n̄wa'an̄li yei n̄e pɔ n̄a minthe Jisho fe lūgu nu ni sheshen̄on̄ n̄a a pin̄ vi n̄e. N̄on̄ lo nu'un̄ mfā'o nɔ nū'on̄ nu pi pa ḡi pigho n̄kaon̄ maa ndūgu. Pa nū'on̄ pigho gh̄a n̄ka pi'i n̄gwa pi'i ȳei Jisho Krishto. Minnwi ni ntogo pi mbho Jisho nchw̄ie mbhi, ndo, ntogo pi mbho Jisho, n̄guon̄ mbhi ghao shi mb̄ini mb̄ini mbho yu. A wu'o mbo ntogo pi n̄kuon̄ pɔ nu ta'a yi p̄ei Jisho n̄a minthe n̄on̄ fā'o kwà'a mon̄ mbhi yei. Pɔɔ gh̄ei ki'e shhi mf̄i'i n̄kwan̄ nɔ ha'an̄ mme yaon̄ ye'i yei fā'o nɔ kāon̄ nu chombhi ghan̄ pin̄ n̄e.

Taikiku, mbo ñon ña Poo ni ntaon vi ni ñwa'anli yei ne, ni ñgēi pugu Oneshimu. Oneshimu ni mbo ñkūna ye ña Poo ni nā'an ñwa'anli ntaon ni Filemu no ligi yi ne.

### *Mā'an nu chrà*

<sup>1</sup> Ñwa'anli yei llo mbho mu, Poo, mbo ñgan ntaon Krishto Jisho ntogo pi ñkuon khwā njū'ō Minnwi, ni Timoti ndiñ via.

<sup>2</sup> Mfe nu ni pa ñgwa Minnwi pi taonṭaon ndo mbo ghan piñ mon Krishto ña pugu po Koloshe ne.

Pwapun po ni pēi pugu pa ghighri llo mbho Minnwi Tāa via.

### *Tōo nu pugu pa luon nu Minnwi*

<sup>3</sup> Pigi ghà ñgu'ō ntōo Minnwi mbo Tāa Taatho via, mbo Jisho Krishto, ndii ña pigi luon Minnwi mfe nu ni pēi ne. <sup>4</sup> Fie no ha'an pigi ni nja'ō fi'i piñ yei mon Krishto Jisho pugu pa fi'i khwā ña pēi ni mfā'ō ni pa ñgwa Minnwi pi taonṭaon ne, <sup>5</sup> nthe pi fi'i kwā'a ña pēi fā'ō ñkuon yaon ña Minnwi nū'ōñ ni pēi po ne. Pēi ni ñkwo fūon nja'ō yei mon chrà nnu shini, mbo ñkini pwa pisha'akhō, <sup>6</sup> ña a tho ni pēi no ha'an shishini, a po mon ñguon mbhi ghao ntho njuñ ntien, ñku'ō nu wu'ō no ha'an a yun nu shina pēi jē ndii ña pēi ni nja'ō ndo nji pwapun Minnwi mon nnu shini, <sup>7</sup> wu'ō no ha'an pēi ni nje'i mbho Epafra ñkien ndiñ via ndo mbo ñgan kwō fā'a yia. A ñkien muun fā'a Krishto yi shini, no ligi yei. <sup>8</sup> A chwē pigi ji khwā ña Jijwe Minnwi fe ni pēi ne.

<sup>9</sup> Nenne, jē llé ña pigi ni nja'ó nē, pigi shini ndó ncha'a luonj nu Minnwi mfe ni pəi, nduonj nu ña pəi linaonj ni ji nu nnu ña Minnwi tā'a nu nē, monj ñguonj shiethó pugu pa ji nu llo mbhó Jijwe Minnwi, <sup>10</sup> nne ña pəi chhó chombhi yəi monj ñkwanj shendaonj ña a kā'ó mbhó Taathó, ndó nchwīe túa yi pwa nu, nchhó njuñ ntíey monj ñguonj mbha fà'a shi'i ghao ndó ñku'ó nu monj ji nu Minnwi.

<sup>11</sup> Nduonj ña pəi fā'ó ghrí ni ñguonj ñji ña a llo ñkuonj ñji yi monj ndigha'ó yi nē, ñji ña pəi shi mfā'ó tiishii pugu pa wēin njù'ó ni pwanju'ó, <sup>12</sup> nchhó mfe tōo nu ni Tāa ña a chwīe pəi kā'ó nó fā'ó nu yəi ghrà maonj ha'anj ñgwa Minnwi pi taonjaonj ña pugu chhó monj lí'ē shi mfā'ó nē. <sup>13</sup> A fu'u via monj mbhi njin, ncha'a via mfe monj sha'afuonj Muunj vi ña a khwā nē, <sup>14</sup> mbó Muunj vi ye ña pi tógó mbhó yu njuonj via mfu'u, phi yia pó yi lí'ē nē.

*Ñon ña Krishto yie ghó nē, pugu pa fà'a yi*

<sup>15</sup> Ju, Krishto, pó pi fhi Minnwi ña pi shi'a njəi vi nē, a muunj shhi ña a chaa ñguonj yaonj ña Minnwi ni mbuonj nē. <sup>16</sup> Ntógó pi mbhó yu, pi ni nchwīe ñguonj yaonj ghao, pó pugu pa shhē, pa yaonj ña minthe pi yəi, pugu pa ye ña minthe pa'a pi lo ñji'i njəi, pa ñji monj jijwe,\* pa taathó, pa ghanj sha'a ñgwa ni pa thishi. Pi ni nchwīe ñguonj yaonj ghao ntógó pi mbhó yu ndó nthē pi ju. <sup>17</sup> A pó ñkaonj pi maa nchwīe sheshe yaonj.

\* **1:16** 1:16 Pichəi pa Njwa'anli Minnwi fā'ó faanj nó li'i ñji monj jijwe.

Ŋguon yaon wu'ɔ nchhɔ mbɔ nu, ntɔgɔ pi mbhɔ yu.

<sup>18</sup> A ju mbɔ thɔ non ɲa a chɔshi nɛ. A ju mbɔ njɛ yi, mbɔ fũon muun nɔ ku'ɔ nu mon gu, nne ɲa mon ɲguon nnu ghao á pɔ ju shhi. <sup>19</sup> Minnwi ni mfā'ɔ pwatua nɔ chwīe nu ɲa ɲguon púon yi linaon mbɪn ju Krishto. <sup>20</sup> Ndo ntɔgɔ pi mbhɔ yu, Minnwi pini mbini ni ɲguon yaon ɲkuon mbhi ɲa pugu pugu chini ɲggi, ki a pɔ pi maon ɲkuon mbhi ki mon pɔ. Minnwi chini ɲggi pugu pugu ntɔgɔ pi ɲkuon chhi yi ɲkuon wá'a.

<sup>21</sup> Pɛi ɲa pɛi ni mbɔ yichɛi ndii mbɔ pi yi fɛnɛ yɛi Minnwi, mbɔ ni nchhɔ njù'ɔ pɛi nthɛ vi, nthɔ nchwīe pa nnu pipi nɛ, <sup>22</sup> ndwe Minnwi chini ɲggi pɛi pugu mon freinon muun vi ntɔgɔ pi mon gu yi. A ni nchwīe nne ɲa a nthɛ a thɔ ni pɛi shhi ju Minnwi, pɛi pɔ pi taonɲaon, ki kɔrɔ, ki lo mfā'ɔ ntɛi, <sup>23</sup> nɔ ha'an pɛi ɲa ɲgɛi shhi shishini mon pin ki lo nchi'i, ndɔ nthi a tini, ki lo nchɛnɛ ndollo yɛi kwà'a pwa pisha'akhɔ ye ɲa pɛi ni ɲa'o nɛ. Pi ni ɲkwo chii pwa pisha'akhɔ yei ni ɲguon pa yaon puon la'o pɔ, mbɔ ye ɲa mmu, Pɔɔ, ni ɲgũ muun fà'a pwa pisha'akhɔ ghɔ nɛ.

### *Fà'a Pɔɔ nɔ muun fà'a chɔshi*

<sup>24</sup> Ndwe, m̄fā'ɔ pwanju'ɔ mon pa ɲgɛ'i pan nthɛ vɛi. Nthɔ ndwi'i yaon ɲa a pou nu mon ɲgɛ'i Krishto, nthɛ non yi, mbɔ chɔshi, <sup>25</sup> ɲa Minnwi chwīe a mbɔ muun fà'a chɔshi ghɔ nɛ. A ni mfe fà'a ghɔ vɛi ɲa m̄fā'a nthɛ vɛi, ɲa nchwīe pɛi ya ɲji chrà Minnwi, <sup>26</sup> mbɔ nnu lɛin ɲa a ni mbɔ nɔ pa ɲga'o ɲga'o, pugu pa ɲgwreingwa ɲkuon ɲgwreingwa, ndɔ ndwe, a chwīe ɲgwa

Minnwi pi taonṭaon ji. <sup>27</sup> Minnwi ni ndōgɔ nthi mi nɔ chwīe nu pugu ji fi'í ṅkwan ha'an nnu lōin yei gha'o shina ṅgwa ha'an pugu lɔ mbɔ pa Juu nɛ, mbɔ na Krishto pɔ njù'ɔ pɛi, pɛi fā'o kwà'a fā'o nu ndigha'o.

<sup>28</sup> Pigi chīi pi Krishto ghɔ ni sheshenon, nchhɔ nshūu tónə yugu nje'i vugu ni ṅguon shiethɔ, nne na minthe pigi thɔ ni ṅguon yugu shhi Minnwi pugu kwo pɔ pa ntinimme mon Krishto.

<sup>29</sup> A chwīe nthɛ pi yei nnu na nthɔ ṅgwie non a, mba'o nu ni ṅguon ghrí na Krishto fɛ vɛi nɛ, na a chhɔ fā'a nu mbin mu titini nɛ.

## 2

<sup>1</sup> Ntā'a nu na pɛi ji fi'í pa'o nu na mi ni mba'o nthɛ vɛi, pɛi pa ṅgwa Laodeshia pugu pa ṅguon ṅgwa na pigi pugu lɔ naa ma njɛi ligi nɛ, <sup>2</sup> na pugu fā'o mā'an njù'ɔ, nɔ ha'an pugu chīni ta'a li'í mon khwǎ, nne nɔ fā'o nu tininju'ɔ na ṅkien ji nu nnu ghà nthɔ nɔ ghɔ nɛ. Pugu shi ṅkie mon yei shendaon nji nnu lōin, mbɔ yi Minnwi, na a Krishto nduthɔ yi nɛ. <sup>3</sup> ṅguon fā'o shiethɔ pugu pa ji nu pɔ pi mon Krishto.

<sup>4</sup> Nchhu yei nnu nji na ki'i non fi vɛi ni mindoundou na a pɔ nɔ nnu shini nɛ. <sup>5</sup> Nthɛ na nji'í nthɛ pi nɔ ha'an ndɔ nji'í mbɔ hene pɛi thɔ njɛi a nɛ, ndɔ m̀bɔ pia ka'a mon jijwe, ndɔ mbɔ ni pwanju'ɔ nɔ yɛi nu na pɛi thɔ nchwīe pa nnu nɔ ha'an a pie nɛ, pugu pa na pin yɛi tini mon Krishto.

*Chombhi ndinaon mon Krishto*

<sup>6</sup> Nthe yie ghɔ, nɔ ha'an pɛi piŋ Krishto Jishɔ nɔ Taathɔ vɛi nɛ, p̄ɛi chhɔ pɛi pugu ka'a. <sup>7</sup> Njɛn yɛi tini, ndɔ mbini nu'unj ŋku'ɔ nu mon pɔ nu pɛi pugu ka'a, nthi a tini mon piŋ wu'ɔ nɔ ha'an pi ni njɛ'i vɛi nɛ, ndɔ nja ndinaon ni tɔo nu.

<sup>8</sup> Pɛi lina nu ŋa ki'i sheshenon chwɛ pɛi gū pa kũna ntɔgɔ pi ŋkuon lina ŋgwamishua pugu pa chrà ghagha mbɔ yi mifi, ŋkwan nɔ ha'an nù'ɔŋ ŋgwamishua tã'a nu nɛ, pugu pa llɔ mbhɔ pa jiwɛ ŋa pugu sha'a mbhi\* yei nɛ, ki lɔ ndhɔ pi mbhɔ Krishto. <sup>9</sup> Nthe ŋa ŋuon púon Minnwi chhɔ mbiŋ Krishto mon freinon. <sup>10</sup> Pi fɛ chɔmbhi ndinaon ni pɛi mon Krishto, mbɔ ju ŋa a taathɔ ŋuon pa ghan sha'a ŋgwa pugu pa thishi nɛ.

<sup>11</sup> Mon Krishto pi ni'inj vɛi ŋgunu mbrei ni ŋkwan ni'inj nu ŋgunu mbrei ŋa pi lɔ nji'i nchwɛ pi ni mbhɔ ŋonmishua nɛ, a pɔ pi yi fu'u nu ŋgrào non phi yɛi mbɔ pi nii nu ŋgunu mbrei ŋa a chwɛ Krishto nɛ. <sup>12</sup> Pɛi ni ŋga ŋkwe ŋkhĩ, pi twei vɛi pugu ka'a mon kwe ŋkhĩ ghɔ,† pi ni mbini mfu'u vɛi pugu ntɔgɔ pi ŋkuon piŋ mon titini fà'a Minnwi, ŋa a ni mfu'u vi mon gu nɛ.

<sup>13</sup> Pɛi ni ŋga ŋgu'ɔ mbɔ yi khu mon phi yɛi pugu pa ŋa pɛi shini ndɔ naa nii ŋgunu mbrei mbɔ yi fu'u nu ŋgrào non phi yɛi, Minnwi ni nchwɛ pɛi pɔ yi maon pɛi pa Krishto, ŋkwo li'ɛ ŋuon phi yia ghao, <sup>14</sup> ntɔgɔ pi ŋkuon chi'i nu ŋwa'anli ŋkrù yia ŋa a ni nthɔ nɔon pa nnu ŋa

---

\* **2:8** 2:8 Njin yei pini mbɔ ŋa, "nù'ɔŋ pugu pa gí, ŋkwan ha'an ŋgwamishua piŋ ŋa pugu chwɛ nnu pugu nɛ". † **2:12** 2:12 Yei lɔ mbɔ ŋa Jishɔ ni mbɔ fɔ mon freinon pi twei vugu pugu ka'a mon kwe ŋkhĩ ghɔ. Pugu pugu ni mbɔ ka'a pi mon Jiwɛ.

pia chwīe ki a lo nji'i nkā'o ne pugu pa yaon ha'an gí tā'a nu ne. Nguon nnu pei ghao a chi mī'an ntogo pi nkuon kwīn nu nnu pigho nkuon wá'a. <sup>15</sup> Krishto ni nkwe maon nchhò ghan sha'a lí'i mon jijwe pugu pa thishi, mā'an lritho tho pugu shhente ntogo pi nkuon gha'a nu vugu nkuon wá'a.

*Ki'i pəi mien sheshenon chhu na pəi shi lo nkā'o*

<sup>16</sup> Nthe yie ghò, ki'i pəi mien sheshenon sha'a vəi nthe yaon na pəi ji ki nnu ne, ki nthe nnu nū'on nu pa llé ji ki ji nàon fhi ki nnu Llé Ji. <sup>17</sup> Pei pò pi pa mili'i pa nnu na a shi ntho ne, ndo ti nkien nnu ghò pò pi Krishto. <sup>18</sup> Ki'i pəi mien sheshenon chhu na pəi shi lo nkā'o nò fā'o nu ngá'o yəi, ntogo pi nkuon tii nu na pəi lāa nchhò shi'i, pugu pa gha'o pa ghan ntaon Minnwi. Ngwa pei lōgo nthi munu nkuon pa nnu na pugu yəi, nku'ò non yugu ki la'o yi nthe pi yugu nkwan pī'i nu nnu nò ngwamishua, <sup>19</sup> ki lo ntho nthi nu a tini pi mbin Krishto, na a pò ju tho mbin non ne, mbo lí'i na nguon non ghao ghà mfā'o maon ji, ndo nchīni mbo ta'a yi ntogo pi nkuon pa yòu pi pugu pa shigi ndien, nku'ò ni ku'ò nu na a llo pi mbho Minnwi ne.

<sup>20</sup> Nò ha'an pəi pa Krishto kwo khu nthe pa jijwe na pugu sha'a mbhi yei ne, a chwīe kho pəi wu'ò ntho njōu njin pa gí nkuon mbhi yei, nò ha'an o wu'ò mbi'i pi ngia pi? Pa gí nò pa, <sup>21</sup> "Ki'i ntuo! Ki'i njwe'i! Ki'i nkaon!" <sup>22</sup> Nguon pa nnu pei ghao chhu pi pa maon pe na pugu shi'a nu'un mfā'o ghèrè ndii na pi kwo fà'a fā'a

nɔ ghɔ nɛ, pugu wu'ɔ mbɔ pi pa gɪ pugu pa ntɪgɪ ɲgʷamishua. <sup>23</sup> Pa nnu pei shishini fā'ɔ fhi shiethɔ mon ghɔ nɔ tū'ɔ nu nnu Minnwi ɲa a nù'ɔɲ ɲonmishua nɛ a ghēi shhi pugu pa lāa nu non yɔ ni nchhɔ shi'i ndɔ mbini mfe ɲgə'i ni non yɔ, ndɔ pa nnu pighɔ lɔ nji'i mfā'ɔ ghèrɛ nɔ li'i nu freinon ɲa ki'i a nii mon pa nnu piphi ɲa a khwā nu nɛ.

### 3

#### *Chhɔ nu chɔmbhi fhi*

<sup>1</sup> Nɔ ha'an pi kwo ku'ɔ ni pɛi pa Krishto llo mon gu nɛ, pɛi nū'ɔɲ njù'ɔ yɛi pi ɲkuon pa maon ha'an a pɔ pɔ nɛ, li'i ha'an Krishto pɔ, ndɔ nchhɔ ɲgei mbhɔ Minnwi yi ji nɛ. <sup>2</sup> Pɛi nū'ɔɲ kwā'a nu mɛi ɲkuon pa maon pɔ ki lɔ mbɔ pi ɲkuon pa maon ɲkuon shhɛ. <sup>3</sup> Nthɛ ɲa pɛi kwo khu, chɔmbhi yɛi pɔ yi lēiɲ ni Krishto mbhɔ Minnwi. <sup>4</sup> Ndiɪ ɲa Krishto, ɲa a ya chɔmbhi yɛi, shi nōon non yi nɛ, kan pɛi ɲkaa pɛi shi nōon non yɛi mon ndigha'ɔ pɛi pugu.

<sup>5</sup> Nthɛ yie ghɔ, p̂ɛi jwi pa nnu ɲkuon shhɛ ɲa a pɔ mbiɲ pɛi nɛ, nɔ pa nnu shúon, pa nnu totɔ, titini shōrɔ nu pa nnu totɔ, khwā nu pa nnu piphi, ni lúa, nthɛ ɲa lúa pɔ nɔ gha'ɔ nu pa nnwi.

<sup>6</sup> Nthɛ pi pa nnu pei pigitua Minnwi chhɔ nthɔ nu.\* <sup>7</sup> Pɛi ɲkaa pɛi ni ɲkwo pɔ mon pa ɲkwan nnu pei ndiɪ ɲa pɛi ni nchhɔ chɔmbhi yɛi pi mon ɲkwan nnu pighɔ nɛ. <sup>8</sup> Ndɔ ndwɛ, a yī'i ɲa p̂ɛi mī'an ɲguon nnu pighɔ ghao: yoyɔrɔ, pigitua,

\* **3:6** 3:6 Pichɛi pa Nwa'anli Minnwi chhu ɲa mbiɲ pa ɲgwa pɛ ɲa pugu lɔ nja'ɔ nchɔ yi nɛ.



kipina, ni wē'i nu ηgwa, pugu pa chrà fēfhe llo nchò pēi. <sup>9</sup> Ki'i pēi lē'ingien ni non pēi, nthe ηa pēi kwo shrāo ndunu ηgrào non yēi mfu'u pugu pa mbha nnu pīphi pugu. <sup>10</sup> Ndo ηkwo gwe ηgrào non fhi, ηa a tho mbo yi fhi lelle nō ha'an ɔ yē'i nu nō ji nu Minnwi mba'o mbhi, ndo mbo nō ju nē. <sup>11</sup> Mon chombhi fhi yei, kwri lo nji'i mbo shina non ηa a lo mbo non Juu pugu pa non Juu, non ηa a nii ηgunu mbrei pugu non ηa a shi lo nii ηgunu mbrei nē, ni pa ghini† ni ghan ki ji nnu‡ pugu pa kũna pugu pa ηgwa ηa pugu lo mbo pa kũna nē, ndo Krishto ηguon yi ndo mbo mon ηguon yi.

<sup>12</sup> Nenne, nō ηgwa ha'an Minnwi chu'ɔ vāi nē, ndo mbo ηgwa ηa pugu pi taontaon, mbo ηgwa ηa Minnwi ya ηkhwā vāi nē, pēi gwe njū'ɔ nōon kwoshini, pwapun, shwi'i nu non shhe, juju ni wēin njū'ɔ, <sup>13</sup> mfā'o wēin njū'ɔ mbin ηgwa nduon, ti sheshenon mfā'o nnu ηa a lo ηkā'o nthe ndin vi, pēi li'ē phi yi. Wu'ɔ nō ha'an Taatho ni ndi'ē yēi phi nē, a yi'i ηa pēi ηkaa pēi li'ē phi ηgwa nduon. <sup>14</sup> Nchaa ηguon pa nnu pei ghao, pēi gwe khwǎ ηa a ghà nja nchini ηgwa pugu pɔ ta'a yi shi'i ki kɔro nē. <sup>15</sup> Pēi mien ghighri llo mbho Krishto kwe shhi mon njū'ɔ pēi. Nthe ηa nō ηgia ta'a freinon, Minnwi ni ηgē vāi ηa pēi chho mon ghighri ghɔ. Pēi fā'o tōo nu.

---

† **3:11** 3:11 Baberian: pa ηgwa Gri ni mēin pa ηgwa ηa pugu lo mbo ηgwa Gri nē ηa Baberian njin yi pɔ ηa *pa ghini, ghan ki ji nu'ɔn*. ‡ **3:11** 3:11 Pi fā'o Pi Shikaitian hein. Pa Shikaitian ni mbo pa ηgwa ηa pugu ni nii pa la'ataon ni nchhò mfe ηgə'i ni pugu ndo njwi ηgwa. Pi ni ndii vugu nō pa ghan ki ji nnu.

<sup>16</sup> Pêi mienj chrà Krishto chhò mbiņ pèi ñkien kina yi, nthò nje'i nu ndò nshũu ténə nonj pèi ni ñguonj shiethò, nchhò njrào pa ñkhĩ llo monj Nwa'anli Nkhĩ, pugu pa ñkhĩ gha'ò Minnwi pugu pa ñkhĩ monj Jijwɛ, mfe tōo nu ni Minnwi llo monj njù'ò pèi. <sup>17</sup> Sheshe nnu ña pèi nchwīe ki nchhu nɛ, p̂èi chwīe ñguonj yi ghao monj ligi Jishò Taathò, nchhò mfe tōo nu ni Minnwi Tãa ntɔgò pi mbiņ yu.

*Pa ntīgi ñkwanj ha'anj ghanj piņ fã'ò nɔ  
chhò nu monj mbaanda yugu nɛ*

<sup>18</sup> Piņgɛ lánj, p̂èi fe nonj pèi ni laonj pèi nɔ ha'anj a kã'ò ni ñgwa pɛ ña pugu yi Taathò nɛ.

<sup>19</sup> Pimbia, p̂èi khwã gwɛ pèi ki lo nchigəi ni pugu.

<sup>20</sup> Puonj, p̂èi ya'ò nchò pa tãa pèi pugu pa mũunj pèi monj ñguonj nnu ghao, nthɛ ña yie ghò shi nchwīe túa Taathò pwa. <sup>21</sup> Pa tãa, ki'i pèi chwīe túa puonj pèi pigi, kanj nonj yugu shi shīɛj.

<sup>22</sup> Pa kũna, p̂èi ya'ò nchò pa taathò pèi ñkuonj shhe heinj monj ñguonj nnu ghao, ki lo ñgu'ò mbò pi ndii ha'anj pugu pɛ'i vèi nɛ, nthɛ ña pèi tã'a nu ña pugu piņ vèi nɛ, ndò pèi ya'ò nchò yugu ni ta'anju'ò nthò mbɔgò pi Taathò. <sup>23</sup> Sheshe yaonj ña pèi chwīe nu nɛ, p̂èi fã'a ni ñguonj njù'ò yèi ghao nɔ ha'anj pèi fã'a pi mbhò Taathò ki lo mfã'a pi mbhò ñgwamishua, <sup>24</sup> ñji nu ña Taathò shi mfe yaonj ña a nũ'ɔj ni pèi nɛ nɔ k̄nɛin yèi. Pèi chhò mfã'a pi mbhò Krishto Taathò. <sup>25</sup> Nthɛ ña pa ghanj fãan nnu shi mfã'ò pe fàn yugu ha'anj pugu chwīe nɛ, nthɛ ña Minnwi shi'a nōonj shieligi.

## 4

<sup>1</sup> Pa taathɔ, p̄ɛi tuo kũna p̄ɛi nɔ ha'an a kã'o nɛ ki lo nchīgi vugu, nji nu ɲa p̄ɛi ɲkaa p̄ɛi fã'o Taathɔ ɲa a pɔ po nɛ.

### *Pa ntīgi nɔ pīgi nu*

<sup>2</sup> P̄ɛi gh̄ɛi shhi ntii shii mon luon, ndɔ ndina nu nɔ ha'an p̄ɛi luon nu nɛ, nchhɔ fɛ tɔo nu ni Minnwi. <sup>3</sup> Luon Minnwi mfe ni pigi ɲkaa pigi, ɲa Minnwi ɲa'an chonda ni chrà yi, pigi chii nnu l̄ɛɲ Krishto, mbɔ nnu ɲa m̄bɔ ch̄ɛɲ nthɛ yie ghɔ nɛ. <sup>4</sup> Luon ɲa ñtũgu chrà ghɔ paa ɲkwan nɔ ha'an a pie ɲa nchrà nɛ.

<sup>5</sup> P̄ɛi fã'o shiethɔ mon ɲkwan nɔ ha'an p̄ɛi chw̄ɛ pa nnu ni pa ɲgwa ha'an pugu lo mbɔ ghan piɲ nɛ, ɲa mfã'a shi'i mon sheshe shina ɲa p̄ɛi fã'o nɛ. <sup>6</sup> Chrà ȳɛi wu'ɔ ma ɲa mbwa pwa, nd̄ɛɲ nɔ ha'an pi ni'ɛɲ pi khí fɔ, nji ɲa minthe p̄ɛi ji ɲkwan nɔ ha'an minthe p̄ɛi fɛ khwè ni sheshenɔɲ nɛ.

### *Ndugwi njin mā'an nu chrà*

<sup>7</sup> Taikiku shi nshwei v̄ɛi ni ɲguon pa nnu ɲa ñchhɔ nchw̄ɛ nu nɛ, a ɲkien nd̄ɛɲ via ndɔ mbɔ ɲgan fã'a ni ta'anju'ɔ ɲa pigi yu fã'a nu ka'a mbhɔ Taathɔ. <sup>8</sup> Ntaon vi ni p̄ɛi nthɛ pi yei nnu, ɲa p̄ɛi ji ɲkwan nɔ ha'an pigi pɔ nɛ, a lo mbini mā'an njù'ɔ ȳɛi. <sup>9</sup> A pugu Oneshimu, mbɔ ɲkien nd̄ɛɲ via ɲa a fã'o ta'anju'ɔ, pia lo mbini ɲkhwā vi, mbɔ ta'a ɲon v̄ɛi. Pugu shi nshwei v̄ɛi ni ɲguon pa nnu ɲa a kwo l̄ɔgɔ li'i heɲ nɛ.

<sup>10</sup> Arishtaku, ɲgan kwò ch̄ɛɲ a, mā'an chrà ȳɛi, Maaku, mbɔ ɲon ndãa pa Banaba, mā'an

chrà yèi ñkaa yu, mbo ju ña pi ni ñkwo fe ntígi ni pèi nthè vi nè, ä nthò, pèi tuo vi shi'i. <sup>11</sup> Jishò, ña pi mēiñ vi ni Jushitu nè, mā'anj chrà yèi ñkaa yu. Pei pa fiēñ ñgwa shina pa ñgwa ña pugu nii ñgunu mbrei nè ña pugu pò shina pa ñgwa ña pugu pakwo fà'a pañ monj Sha'afuonj Minnwi nè. Pugu ya mfe mā'anj njù'ò vèi.

<sup>12</sup> Epafra, mbo ta'a ñonj vèi, mbo muunj fà'a Krishto Jishò, mā'anj chrà yèi. A wu'ò nduonj Minnwi ñkienj yie ghò ñguonj ndii nthè vèi, nduonj nu ña pèi thi nò pa ntinimme, mfā'ò tininju'ò ni ñguonj pa nnu ña Minnwi tā'a nu nè. <sup>13</sup> Nthè ña mi minkwentie yi ña a ya mfā'a nthè vèi mbini nu'unj nthè pe ñgwa ña pugu pò Laodeshia pugu Herapoli nè.

<sup>14</sup> Luka, ñkienj ndiñ via, mbo dokto pugu Dema, mā'anj chrà yèi ñkaa pugu. <sup>15</sup> Pèi mā'anj chrà a ni pa liñ pia monj piñ Laodeshia, mbini mā'anj ni ndiñ via yi mingwè mbo Nimfa pugu pa choshi ña a pò nda yu nè.

<sup>16</sup> Ndiñ ña pèi kwo mēiñ ñwa'anli yei shina pèi nè, pèi pini nchwīe pi mēiñ monj choshi ñgwa Laodeshia. Pèi pini nu'unj ñkwe ye ñwa'anli ña a pò mbhò ñgwa Laodeshia nè mēiñ.

<sup>17</sup> Pèi chhu ni Akipu ña, "Pa'ò nò yèi nu ña ò mī'ēñ fà'a ña Taathò fe ve nè."

<sup>18</sup> Mmu, Poo, nā'anj chrà yèi yei pi ni nyanj mbhò.

Pèi chhò ñkwiniñ cheiñ ña a pò mbiñ mu nè.

Pwapunj Minnwi pò mbiñ pèi.

## **Nwa'anli Kin a Fhi**

### **Bambalang: Nwa'anli Kin a Fhi (New Testament+)**

copyright © 2019 Wycliffe Bible Translators, Inc.

Language: Bambalang

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source files dated 29 Jan 2022

850ef3bb-da84-57bb-be90-e9077e8294e0